


Treoirscéal Sóisialta

Cuairt ar Chaisleán Chill Chainnigh

Scéal é seo faoi chuairt a thabhairt ar Chaisleán Chill Chainnigh



Caisleán mór i lár Chathair Chill Chainnigh is ea Caisleán Chill Chainnigh. Baineann páirc leis an gCaisleán ina bhfuil cosáin ag casadh trí choillte, lochán le lachain ann, Gairdín Rósanna agus clós súgartha le fáil. Bíonn aonach díreach le hais an Chaisleáin gach Déardaoin agus Satharn ó 9.30am go dtí 2.30pm, ceirdeanna agus bia sna bothanna ann agus ceoltóirí agus taibheoirí sráide i measc an tslua. Áit an-ghnóthach é Caisleán Chill Chainnigh ina mbíonn go leor cuairteoirí.






TAGAIM:

Téim isteach go dtí fearann an Chaisleáin trí gheata mór ón tsrái.



Beidh comhartha a thugann le fios cén áit is cóir dom dul chun ticéad a cheannach agus cén áit le dul sa scuaine má tá mo thicéad curtha in áirithe ar líne agam.



Bíonn dhá scuaine sa Chlós, ceann dóibh siúd a chuir ticéad in áirithe ar líne agus ceann dóibh siúd a cheannaigh ticéad ag deasc na dticéad.

Is gá do gach aon duine dul i scuaine chun dul isteach sa Chaisleán.



Más mian liom ticéad a cheannach is gá dom dul i scuaine chun ticéad a cheannach ó dheasc na dticéad faoin áirse.
Is gá do gach aon duine dul i scuaine lasmuigh chun ticéad a cheannach ó dheasc na dticéad.



Má tá m'áit curtha in áirithe cheana féin agam téim sa scuaine sa chlós leis an gcomhartha seo:



Má cheannaigh mé mo thicéad ó dheasc na dticéad díreach anois, téim sa scuaine sa chlós leis an gcomhartha seo:



Má tá sé dian orm fanacht sa líne, is féidir liom mo Chárta Aitheantais Uathachais a thaispeáint d'fhoireann an Chaisleáin agus is féidir liom dul isteach gan feitheamh.

Fanaim taobh amuigh go dtugann duine ó fhoireann an Chaisleáin le fios dom go bhfuil sé ceart go leor dul isteach.

Críochnaím mo bhia agus mo dheoch sula dtéim isteach sa Chaisleán.



Iarrfaidh foireann an Chaisleáin ar gach aon duine masc aghaidhe a chur orthu roimh dul isteach sa Chaisleán.

Má tá sé míchompordach orm masc aghaidhe a chaitheamh, tá sé sin ceart go leor agus ní gá dom é a chaitheamh. Is féidir liom litir a íoslódáil (<https://asiam.ie/wp-content/uploads/2020/07/Face-mask-letter.pdf>) agus a thaispeáint d'fhoireann an Chaisleáin. Míníonn an litir sin nach féidir liom masc aghaidhe a chaitheamh agus tá sé sin ceart go leor.



Téim isteach sa Chaisleán; ní mór dom mo lámha a dhíghalrú. Is féidir díghalrán lámh an Chaisleáin a úsáid nó is féidir liom mo chuid féin a thabhairt.


Iarrfaidh foireann an Chaisleáin ar gach aon duine a cheannaigh ticéad ag deasc na dticéad a ainm agus uimhir theileafóin a thabhairt, ar mhaithe le rianú teagmhálaithe.



Taispeánaim mo thicéad don bhall foirne. Chun tús a chur le mo chuairt téim síos an dorchla.



Tógaim bileog eolais ón taispeántas agus tosaím mo thuras.



Tá eolas ar mo bhileog faoi na seomraí sa Chaisleán.

Caithfidh mé scaradh sóisialta a chleachtadh agus fanacht siar ó dhaoine eile sa Chaisleán. Má tá scaradh sóisialta dian orm is féidir liom litir a íoslódáil (<https://asiam.ie/wp-content/uploads/2020/04/Letter-regarding-social-distancing.pdf>) agus a thaispeáint d'fhoireann an Chaisleáin. Míníonn an litir sin go bhfuil sé dian orm scaradh sóisialta a chleachtadh agus go bhfuil sé ceart go leor.

COMHARTHAÍ:

Feicim go leor comharthaí éagsúla sa Chaisleán, tugann cuid de na comharthaí treoracha dom le leanúint, tugann cuid de na comharthaí eolas dom faoi na seomraí a fheicim, tugann cuid de na comharthaí le fios dom cén áit le dul agus tugann comharthaí eile eolas dom faoi conas mé féin agus daoine eile a chosaint ar COVID-19.

Is féidir liom ceist a chur ar fhoireann an Chaisleáin mura dtuigim comhartha.



Tugann comhartha dá leithéid seo eolas dom faoi conas mé féin agus daoine eile a chosaint ar COVID-19.



Tá na mataí seo ar an urlár le cur in iúl dom cén áit le dul agus le cur i gcuimhne dom fanacht 2 mhéadar siar ó dhaoine eile.



Cuireann na marcanna seo sa chlós i gcuimhne dom fanacht 2 mhéadar siar ón duine os mo chomhair agus mé i scuaine sa chlós.



Cuireann comhartha dá leithéid seo in iúl dom nach féidir liom dul an bealach sin.



Cuireann comharthaí dá leithéid seo in iúl dom cé mhéad duine nó aonad teaghlaigh atá ceadaithe sa seomra ag an am céanna.



Cuireann an comhartha seo in iúl dom gan suí ar an troscán.

		Cuireann comharthaí dá leithéid seo le saigheada in iúl dom cén treo le dul.
		Cuireann comharthaí dá leithéid seo eolas ar fáil dom faoin obair athchóirithe a tharla sa Chaisleán agus léiríonn siad grianghraif roimh agus i ndiaidh na hoibre. Sa Dorchla Gorm amháin atá na comharthaí seo.
		Tugann comharthaí dá leithéid seo eolas dom faoi na seomraí a dtugaim cuairt orthu.

Cuairt a thabhairt ar Chaisleán Chill Chainnigh:

Bíonn an Caisleán an-ghnóthach le cuairteoirí. Dé Sathairn agus Dé Domhnaigh na laethanta is gnóthaí agus idir 11am agus 3pm na hamanna is gnóthaí. Uaireanta bíonn uaireanta oscailte suaimhnis sa Chaisleán. Is féidir liom teacht ar na huaireanta seo ach dul ar líne go dtí an suíomh idirlín <http://kilkennycastle.ie/> nó trí rphost a chur chuig kilkennycastleinfo@opw.ie

Nuair a théim ar cuairt ar Chaisleán Chill Chainnigh beidh seomraí a fheicim sa Chaisleán sa riocht céanna a bhí siad 200 bliain ó shin. Tá troscán agus pictiúir sna seomraí. Tá rópaí agus bacanna sna seomraí. Tá siad sin ann chun an troscán agus na pictiúir a chosaint. Tá siad sean agus leochaileach agus níl cead ag aon duine baint leo. Fanann foireann an Chaisleáin sna limistéir atá rópáilte agus fanaimse ar an taobh eile. B'fhéidir go mbeadh torann agus fuaimeanna go leor le clos sa Chaisleán. Is féidir liom éisteacht le cuid de na fuaimeanna roimh mo chuairt ar shuíomh idirlín Chaisleán Chill Chainnigh: <https://soundcloud.com/opwireland/sets/kilkenny-castle-accessibility>



Na seomraí agus na limistéir a fheicfidh mé:

AN tíOSLACH:

		An Lusca	Chun tús a chur le mo chuairt, téim síos roinnt céimeanna agus táim sa Lusca. Tá an chuid seo den Chaisleán dorchá agus is féidir leis a bheith tais.
		An Bhunsraith Mheánaoiseach	Táim sa Bhunsraith Mheánaoiseach anois. Greille mhiotail atá i gcuid den urlár agus is féidir go mbeadh sé an-ghlórach. Más ábhar struis an torann dom is féidir liom a iarraidh ar fhoireann an Chaisleáin bealach eile a thaispeáint dom le leanúint le mo chuairt. Leanaim an dorchla.

	Dorchla an Lochtáin	Téim suas roinnt céimeanna ó Dorchla an Lochtáin go dtí Urlár na Talún.
---	-----------------------------------	--

URLÁR NA TALÚN:

	An Seomra Seirbhíse	I ndiaidh dorchla an lochtáin, siúlaim suas na céimeanna agus casaim ar dheis agus siúlaim isteach sa Seomra Seirbhíse.
--	-----------------------------------	--



An Halla Iontrála

I ndiaidh an tseomra seirbhíse, téim isteach sa Halla Iontrála.
Ag deireadh an Halla Iontrála, téim isteach sa Seomra Bia.



An Seomra Bia

I ndiaidh an Halla Iontrála, téim isteach sa Seomra Bia.



An Parlús

Táim sa Pharlús anois. Téim timpeall an bhoird i lár an tseomra agus ansin ar ais go dtí an Seomra Bia, ag baint úsáid as an doras eile.



An Seomra Bia

Táim sa Seomra Bia arís anois agus téim ar ais go dtí an Halla Iontrála arís.



An Halla Iontrála

Ag deireadh an Halla Iontrála téim suas an Príomhstaighre ar an taobh clé.

An Príomhstaighre:



An Príomhstaighre:

Téim suas a thuilleadh céimeanna agus isteach sa Seomra Taipéise.



An Seomra Taipéise


Féachaim timpeall ar an seomra agus téim amach an doras céanna ar tháinig mé isteach tríd. Siúlaim suas an staighre agus isteach sa Leabharlann.

AN CHÉAD ÚRLÁR:



An Leabharlann

Ag barr an Phríomhstaighre casaim ar dheis. Táim ar an gCéad Úrlár anois.
Téim isteach sa Leabharlann.




An Parlús

Téim díreach go dtí an Parlús. Ag deireadh an Pharlúis téim tríd an doras agus casaim ar clé.

	An Staighre Príobháideach	Téim suas na céimeanna cloiche go dtí an dorchla gorm go dtí an Dara hUrlár chun níos mó seomraí sa Dorchla Gorm a fheiceáil.
---	---	--

AN DARA hURLÁR:

	An Dorchla Gorm agus na seomraí taispeántais	Sroichim barr an staighre. Táim ar an Dara hUrlár anois sa Dorchla Gorm. Tá radharcanna áille ar an bPáirc ó na fuinneoga ar thaobh na láimhe deise. Tá na seomraí taispeántais oscailte agus fáilte romham dul isteach ag breathnú na dtaispeántas.
--	--	---



An Naíolann Victeoiriach

I ndiaidh na seomraí taispeántais tá an Naíolann Victeoiriach. Tá scáileán plaisteach os comhair an dorais. Is féidir liom féachaint isteach. Téim ar aghaidh beagán.



An Seomra Leapa Síneach

Ag deireadh an Dorchla Ghoirm tá scáileán plaisteach os comhair dorais. Is féidir liom féachaint isteach ar sheomra leapa.

Casaim ar dheis agus téim síos an Staighre Múrach.


AN SCIATHÁN THOIR:



Gailearaí na bPictiúr

Ag bun an staighre
Stopaim agus féachaim ar clé. Má tá daoine ag fágáil
an tseomra scaoilfidh mé leo sula dtéim féin isteach.
Táim i nGailearaí na bPictiúr anois.
Is é Gailearaí na bPictiúr an seomra deireanach ar an
turas. Bíonn go leor daoine ann uaireanta ach tá go
leor spáis ann do gach duine. Téim ar thaobh na
láimhe clé den seomra agus siúlaim i lúib, mar atá
leagtha amach ar na mataí. Tá binsí dearga i lár an
tseomra agus tá suíocháin in aice na bhfuinneog ach
ní féidir liom suí orthu. Fágaim Gailearaí na bPictiúr
tríd an doras céanna ar tháinig mé isteach tríd.

Tá mo chuairt ar an gCaisleán thart anois.
Téim síos staighre agus leanaim na comharthaí don bhealach amach.





Siúlaim go deireadh an dorchla seo chun dul amach.




Chun dul amach, téim tríd an doras is faide ar dheis agus téim suas an staighre. Brúim amach an doras agus fágann sé sin sa Chlós mé.



AG DUL GO DTÍ AN LEITHREAS:



Nuair a bhíonn an turas déanta agam is féidir liom dul go dtí an leithreas. Téim tríd an doras agus ar clé. Téim go deireadh an dorchla agus téim suas an staighre ar thaobh mo láimhe clé.



Siúlaim ar an taobh clé den dorchla. Stopaim ag an gcuntar buí agus fanaim le mo sheal le do isteach. D'fhéadfadh sé a bheith gnóthach agus uaireanta is gá dul i scuaine. Nuair a fhágaim na leithris téim ar dheis síos an staighre go dtí an bealach amach.

FOIREANN:

Casfaidh mé le Foireann an Chaisleáin ag Deasc na dTicéad agus sna seomraí.

Is féidir le Foireann an Chaisleáin ceisteanna atá agam faoi stair an Chaisleáin a fhreagairt. Tá siad ann mar chabhair dom. Má éirím suaite agus más gá dom dul go dtí an spás ciúin, is féidir liom iarraidh ar dhuine d'Fhoireann an Chaisleáin mé a thabhairt ann.

Bíonn masc aghaidhe nó sciath aghaidhe á chaitheamh ag Foireann an Chaisleáin.

Ní chaitheann siad culaith aitheantais ach bíonn éide dhorcha orthu, dubh nó dúghorm de ghnáth.

Bíonn suaitheantais ar fhoireann an Chaisleáin agus lainnéir ar a muineál.

Tá Cúrsa Feasachta AsIAM ar an Uathachas déanta ag foireann an Chaisleáin.

